



Broj: 03-11-7-877-10/22
Sarajevo, 12.08.2022. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj: 03-11-7-877-9-1/22 od 11.08.2022. godine, u postupku javne nabavke roba - računarska oprema – LOT 1, direktor Agencije za državnu službu Federacije BiH, donosi

ODLUKU **o dodjeli ugovora najpovoljnijem ponuđaču za LOT 1**

Član 1.

Prihvata se Preporuka Komisije za javnu nabavku robe – računarska oprema – uređaji Firewall – sigurnosni routeri i Gigabitni Ethernet Web Smart/Managed switch uređaji - LOT 1, broj: 03-11-7-877-9-1/22 od 11.08.2022. godine i Ugovor za javnu nabavku robe – računarska oprema dodjeljuje se ponuđaču TeleNet d.o.o. Sarajevo, ulica Gradačaka 114, Sarajevo, po ponudi, broj: 180/22 od 10.08.2022. godine, za ponuđenu cijenu od 16.193,00 KM bez PDV-a, odnosno, 18.945,81 KM sa PDV-om.

Član 2.

Prijedlog ugovora za javnu nabavku računarske opreme – LOT 1, dostavit će se na potpis izabranom ponuđaču.

Član 3.

Ova Odluka objavit će se na web-stranici ugovornog organa, www.adsfbih.gov.ba, istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-877/22 od 13.07.2022. godine. Javna nabavka je pokrenuta putem otvorenog postupka javne nabavke. Nabavka je podijeljena u dva lot-a.

Procijenjena vrijednost javne nabavke bez PDV-a, za LOT 1, iznosi 16.200,00 KM.

Obavijest o nabavci, broj: 167-7-1-76-3-10/22 objavljena je na Portalu javnih nabavki, dana 21.07.2022. godine. Sa Portala Agencije za javne nabavka tendersku dokumentaciju preuzelo je 30 ponuđača.

Komisija za javnu nabavku računarske opreme, imenovana Rješenjem direktora Agencije, broj: 03-11-7-877-1/22 od 13.07.2022 godine, izvršila je otvaranje, te pregled i ocjenu zaprimljene ponude prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 1 (jedan);
- da je ponuda blagovremeno zaprimljena;
- da nije bilo neblagovremenih ponuda;
- da je pristigla ponuda prihvatljiva;
- da nije bilo neprihvatljivih ponuda

Komisija za javnu nabavku sačinila je Zapisnik o pregledu i ocjeni ponuda, te dala Preporuku Direktor Agencije da se ugovor za nabavku računarske opreme – LOT 1 dodjeli ponuđaču TeleNet d.o.o. Sarajevo, koji je jedini dostavio prihvatljivu ponudu sa ponuđenom cijenom od 16.193,00 KM bez PDV-a, odnosno 18.945,81 KM sa PDV-om

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu dokumentaciju u skladu sa tenderskom dokumentacijom, tačka 3.3. TD.

U postupku donošenja ove odluke, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema iste. Žalba se podnosi Uredu za razmatranje žalbi Bosne i Hercegovine, putem Ugovornog organa, u pisanoj formi, u najmanje tri primjerka.

Dostaviti:

- ponuđaču
- računovodstvu
- spis predmeta
- a/a



DIREKTOR

Refik Begić, magistar uprave